

Na osnovu člana 25. stav 1. Zakona o Fondu za zaštitu okoliša Hercegovačko - neretvanskog kantona ("Službene novine HNK" broj: 6/12), člana 36. Statuta Fonda za zaštitu okoliša Hercegovačko - neretvanskog kantona ("Službene novine HNK", broj: 9/12), člana 6. Pravilnika o postupku objavljivanja konkursa i o odlučivanju o odabiru korisnika sredstava Fonda, broj: UO-03-6/13 od 3.7.2013. godine, Programa utroška finansijskih sredstava s ekonomskog konta 614 000, utvrđenih finansijskim planom za 2016. godinu, broj: UO-18-4/15 od 15.10.2015. godine, te na osnovu Odluke Upravnog odbora broj: UO-24-4/16 od 13.7.2016. godine, Fond za zaštitu okoliša Hercegovačko - neretvanskog kantona raspisuje

JAVNI KONKURS
za korištenje sredstava Fonda radi sufinansiranja projekata u oblasti zaštite, očuvanja i poboljšanja kvaliteta zraka i zaštite ozonskog omotača, energetske efikasnosti i korištenja obnovljivih izvora energije

Predmet

Predmet javnog konkursa je prikupljanje prijava za sufinansiranje projekata s ciljem zaštite, očuvanja i poboljšanje kvaliteta zraka i ozonskog omotača, povećanja energetske efikasnosti i podsticanja korištenja obnovljivih izvora energije:

- Projekti očuvanja i poboljšanja kvaliteta zraka,
- Projekti iz oblasti povećanja energetske efikasnosti,
- Projekti iz oblasti korištenja obnovljivih izvora energije.

Opis

LOT 1.

Dodjela sredstava Fonda za zaštitu okoliša (u tekstu: Fond) za sufinansiranje projekata obnovljivih izvora energije (u tekstu: Projekti) za:

- 1. suproizvodnju toplinske, rashladne i električne energije (trigeneracija) te toplinske i električne energije (kogeneracija) i**
- 2. proizvodnju električne energije, toplinske/rashladne energije i čvrstih biogoriva.**

Pravo na sredstva Fonda u skladu sa ovim LOT-om mogu ostvariti:

- jedinice lokalne samouprave u HNK,
- javne ustanove koje su budžetski korisnici kantonalnog budžeta ili budžeta jedinica lokalne samouprave u HNK,
- obrtnici,
- privredna društva.

Aplikant na Konkurs može dostaviti samo jednu aplikaciju za postavljanje jednog ili više predmetnih sistema jednoj građevini.

Opravdani trošak projekta je postavljanje novog sistema za:

- 1. suproizvodnju energije:**
 - a) toplinske, rashladne i električne (trigeneracija)
 - b) toplinske i električne (kogeneracija),
- 2. proizvodnju energije:**
 - a) električne, iz energije:**
 - sunca (*stepen korisnog djelovanja sunčanih fotonaponskih pretvarača veći od 17%*), uključujući i sisteme za njeno skladištenje (*baterije, vodik/gorive ćelije i dr.*),
 - vode (*male hidroelektrane snage do 1 MW*),
 - biogoriva i
 - vjetra.

- b) **toplinske i/ili rashladne**, za grijanje sanitarne i/ili tehnološke vode te za grijanje i hlađenje prostora s:
- toplinskim sunčanim kolektorima (*stepen korisnog djelovanja veći od 70%*), s ili bez dodatnog sistema na ukapljeni naftni ili prirodni plin,
 - dizalicama topline energetske klase A (*prema Eurovent Energy Efficiency Classification*), $GWP \leq 2150$:
 - zrak-voda: $COP \geq 3,2$; $EER \geq 3,1$ i
 - voda-voda i zemlja-voda: $COP \geq 4,45$; $EER \geq 5,05$ i

Pod opravdanim troškovima projekta obuhvaća se nabavka sljedećih dijelova sistema :

1. fotonaponski pretvarači (modulima) za proizvodnju električne energije stepena korisnog djelovanja većeg od 17%;
2. sunčani toplinski pretvarači (kolektori) za grijanje potrošne vode ili za grijanje potrošne vode i prostora, stepena korisnog djelovanja većeg od 70%;
3. dizalice topline za pripremu potrošne tople vode, grijanje i hlađenje „A“ energetske klase (prema Eurovent Energy Efficiency Classification):
 - zrak-voda ($COP \geq 3,2$, $EER \geq 3,1$),
 - voda-voda i zemlja-voda ($COP \geq 4,45$, $EER \geq 5,05$)

uz uslov $GWP \leq 2150$,

4. kotao sa stepenom korisnog djelovanja većim od 90%,
5. vjetro turbine.

Opravdani troškovi Projekta nisu:

- izrada pripremne i projektne dokumentacije,
- bilo kakvi alati, pomoćni pribori, oruđa i druga slična sredstva, koji se koriste u toku implementacije projekta ili u radu postrojenja,
- priključenje elektrana na elektroenergetsku mrežu te njihovi pristupni putovi i sl.

Sredstva Fonda isplaćivat će se u iznosu do 40% opravdanih troškova projekta nastalih nakon potpisa ugovora, a maksimalno do 20.000,00 KM, što se dokazuje datumom izdavanja računa dobavljača i datumom izvršenja plaćanja.

Sredstva Fonda će se isplaćivati Korisniku nakon što korisnik dokaže da je implementirao projekat i nakon što dokaže da je izvršio plaćanje onoga što je ugovorom precizirano.

LOT 2.

Dodjela sredstava Fonda za zaštitu okoliša (u tekstu: Fond) za sufinansiranje projekata obnovljivih izvora energije u turističkom sektoru za proizvodnju električne, toplinske, rashladne te toplinske i rashladne energije na postojećim građevinama.

Postojeća građevina u smislu Konkursa je građevina koja je izgrađena na osnovu građevinske dozvole ili drugog odgovarajućeg akta u skladu sa Zakonom o građenju (Službene novine HNK br.4/13) i svaka druga građevina koja je navedenim ili posebnim zakonom s njom izjednačena.

Građevine za koje je pokrenut postupak legalizacije nisu predmet Konkursa do pravomoćnog okončanja tog postupka i za iste se ne može podnositi zahtjev na ovaj Konkurs.

Građevine u kojima je manje od 50% bruto podne površine namijenjeno poslovnoj i/ili uslužnoj djelatnosti nisu predmet ovog Konkursa i za iste se ne može podnositi zahtjev na ovaj Konkurs.

Pravo na sredstva Fonda u skladu sa ovim LOTom mogu ostvariti:

- privredna društva
- obrtnici,
- poljoprivredna gazdinstva (PG)

koji su vlasnici hotela, kampova i drugih vrsta ugostiteljskih i turističkih objekata namijenjenih smještaju ili imaju pravo korištenja istih na osnovu odgovarajućih pravnih akata, uz uslov da im je od strane nadležnog organa izdano Rješenje o kategorizaciji.

Aplikant na Konkurs može dostaviti samo jedan zahtjev za postavljanje jednog ili više predmetnih sistema, na jednoj ili više građevina.

Opravdani troškovi projekta su: nabava i ugradnja Sistema za proizvodnju energije:

- **električne, iz energije sunca** (stepen korisnog djelovanja sunčanih fotonaponskih pretvarača veći od 15%), uključujući i sisteme za njeno skladištenje (baterije, vodik/gorive ćelije i dr.)te
- **toplinske i/ili rashladne**, za grijanje sanitarne i/ili tehnološke vode te za grijanje i hlađenje prostora s:
 - toplinskim sunčanim kolektorima (stepen korisnog djelovanja veći od 70%, sa ili bez dodatnog sistema na ukapljeni naftni ili prirodni plin ili neki drugi ekološki prihvatljiv energent, i
 - dizalicama topline energetske klase A (prema Eurovent Energy Efficiency Classification), $GWP \leq 2150$:
 - zrak-voda: $COP \geq 3,2$; $EER \geq 3,1$ i
 - voda-voda i zemlja-voda: $COP \geq 4,45$; $EER \geq 5,05$.

Opravdani troškovi projekta obuhvaćaju sljedeće dijelove sistema :

1. fotonaponski pretvarači (modulima) za proizvodnju električne energije stepena korisnog djelovanja većeg od 15%;
2. sunčani toplinski pretvarači (kolektori) za grijanje potrošne vode ili za grijanje potrošne vode i prostora, stepena korisnog djelovanja većeg od 70%;
3. dizalice topline za pripremu potrošne tople vode, grijanje i hlađenje „A“ energetske klase (prema Eurovent Energy Efficiency Classification):
 - zrak-voda ($COP \geq 3,2$, $EER \geq 3,1$),
 - voda-voda i zemlja-voda ($COP \geq 4,45$, $EER \geq 5,05$)

uz uslov $GWP \leq 2150$.

Opravdani troškovi Projekta nisu:

- izrada pripremne i projektne dokumentacije,
- bilo kakvi alati, pomoćni pribori, oruđa i druga slična sredstva, koji se koriste u toku implementacije projekta ili u radu postrojenja,
- priključenje elektrana na elektroenergetsku mrežu te njihovi pristupni putovi i sl.

Sredstva Fonda isplaćivat će se u iznosu do 40% opravdanih troškova projekta nastalih nakon potpisa ugovora, a maksimalno do 15.000,00 KM, što se dokazuje datumom izdavanja računa dobavljača i datumom izvršenja plaćanja.

Sredstva Fonda će se isplaćivati Korisniku nakon što korisnik dokaže da je implementirao projekat i nakon što dokaže da je izvršio plaćanje onoga što je ugovorom precizirano.

LOT 3.

Dodjela sredstava Fonda za zaštitu okoliša (u tekstu: Fond) za sufinansiranje provođenja energetske pregleda sistema javne rasvjete u vlasništvu jedinica lokalne samouprave.

Pravo na sredstva Fonda u skladu sa ovim LOTom mogu ostvariti jedinice lokalne samouprave u HNK koje u svom vlasništvu imaju sistem javne rasvjete.

Aplikant na Konkurs može dostaviti samo jednu aplikaciju za samo jedan energetski pregled.

Pod opravdanim troškovima provođenja energetske pregleda smatraju se troškovi provođenja energetske pregleda. Korisnik je dužan jedan primjerak energetske pregleda dostaviti Fondu prije podnošenja zahtjeva za isplatu sredstava Fonda.

Sredstva Fonda isplaćivat će se u iznosu do 40% opravdanih troškova projekta nastali nakon potpisa ugovora, a maksimalno do 15.000,00 KM, što se dokazuje datumom izdavanja računa dobavljača i datumom izvršenja plaćanja.

Sredstva Fonda će se isplaćivati Korisniku nakon što korisnik dokaže da je implementirao projekat i nakon što dokaže da je izvršio plaćanje onoga što je ugovorom precizirano.

LOT 4.

Dodjela sredstava Fonda za zaštitu okoliša (u tekstu: Fond) za sufinansiranje izrade projektne dokumentacije (u daljnjem tekstu: projektna dokumentacija) energetske i ekološke javne i vanjske rasvjete.

Pravo na sredstva Fonda u skladu sa ovim LOTom mogu ostvariti:

- jedinice lokalne samouprave u HNK,
- privredna društva

Aplikant na Konkurs može dostaviti samo jednu aplikaciju za izradu samo jedne projektne dokumentacije.

Korisnik je dužan jedan primjerak projektne dokumentacije dostaviti Fondu prije podnošenja zahtjeva za isplatu sredstava Fonda.

Sredstva Fonda isplaćivat će se u iznosu do 40% opravdanih troškova projekta nastalih nakon potpisa ugovora, a maksimalno do 15.000,00 KM, što se dokazuje datumom izdavanja računa dobavljača i datumom izvršenja plaćanja.

Sredstva Fonda će se isplaćivati Korisniku nakon što korisnik dokaže da je implementirao projekat i nakon što dokaže da je izvršio plaćanje onoga što je ugovorom precizirano.

LOT 5.

Dodjela sredstava Fonda za zaštitu okoliša (u tekstu: Fond) za sufinansiranje uvođenja sistema upravljanja okolišem ISO 14000 : 2009 i ishođenje znaka zaštite okoliša.

Pravo na sredstva Fonda u skladu sa ovim LOT-om mogu ostvariti privredna društva sa sjedištem na području HNK.

Aplikant na Konkurs može dostaviti samo jednu aplikaciju za sufinansiranje uvođenja sistema upravljanja okolišem ISO 14000 : 2009 i ishođenje znaka zaštite okoliša.

Udio sufinansiranja Fonda iznosi do 15.000,00 KM.

Opravdani troškovi su:

- tehnička pomoć pri uvođenju sistema,
- troškovi certifikacije,
- troškovi verifikacije i validacije izjave o okolišu.

Sredstva Fonda isplaćivat će se u iznosu do 40% opravdanih troškova projekta nastali nakon potpisa ugovora, a maksimalno do 15.000,00 KM, što se dokazuje datumom izdavanja računa dobavljača i datumom izvršenja plaćanja.

Sredstva Fonda će se isplaćivati Korisniku nakon što korisnik dokaže da je implementirao projekat i nakon što dokaže da je izvršio plaćanje onoga što je ugovorom precizirano.

LOT 6.

Dodjela sredstava Fonda za zaštitu okoliša (u tekstu: Fond) za sufinansiranje međunarodnih projekata sufinansiranih sredstvima Evropske unije.

Pravo na sredstva Fonda moguće je ostvariti za projekte koji su ostvarili pravo na sufinansiranje bespovratnim sredstvima Evropske unije putem javnih poziva (calls for proposals), a čijom provedbom se daje doprinos u području energetske efikasnosti (zgradarstvo, grijanje, hlađenje i čistija proizvodnja) i u području niskougljičnog razvoja (obnovljivi izvori energije, napredne energetske mreže i e-mobilnost).

Investicijski projekti neće biti prihvaćeni.

Potencijalni korisnici sredstava Fonda po ovom LOTu su:

- jedinice lokalne samouprave u HNK,
- javne ustanove iz HNK koje su korisnici budžeta HNK ili budžeta jedinica lokalne samouprave sa područja HNK,

- udruženja građana čije je sjedište u HNK,
- zadruge čije je sjedište u HNK,
- privredna društva čije je sjedište u HNK,

Aplikant na Konkurs može dostaviti samo jednu aplikaciju za sufinansiranje međunarodnih projekata sufinansiranih sredstvima Evropske unije.

Sredstva Fonda isplaćivat će se u iznosu do 40% opravdanih troškova projekta nastali nakon potpisa ugovora, a maksimalno do 15.000,00 KM, što se dokazuje datumom izdavanja računa dobavljača i datumom izvršenja plaćanja.

Sredstva Fonda će se isplaćivati Korisniku nakon što korisnik dokaže da je implementirao projekat i nakon što dokaže da je izvršio plaćanje onoga što je ugovorom precizirano.

Uslovi koje korisnici sredstava moraju ispuniti za svih šest LOT-ova su:

- da dostave pravodobno prijavu za sufinansiranje Projekta po Konkursu,
- da je prijava poslana na propisanim obrascima;
- dostave svu obaveznu dokumentaciju traženu Konkursom,
- da se projekat implementira na području HNK,
- ispunjavaju uslove postavljene u Konkursu,
- imaju sjedište na području BiH,
- nemaju nepodmirenih obaveza javnih davanja,
- nisu u finansijskim teškoćama,
- nemaju nereguliranih dugovanja prema Fondu,
- pravovremeno i u potpunosti ispunjavaju sve ugovorne obaveze po osnovu prijašnjih dodjela finansijskih sredstava Fonda,
- ulažu vlastita sredstva u provođenje,
- prihvate uslove sufinansiranja projekta u skladu sa Konkursom i općim aktima Fonda,
- ispunjavaju i druge uslove utvrđene Konkursom,
- sklope ugovor s Fondom o sufinansiranju Projekta,
- pruže instrumente osiguranja pod ugovorenim uslovima i
- pruže dokaze da mogu finansijski pratiti ulaganja u provođenju projekta,
- da zakluče ugovor sa Fondom o zajedničkom ulaganju u projekat za koje se odobravaju sredstva Fonda,
- kao i da prihvati i druge uslove koji će biti precizirani ugovorom između Fonda i korisnika sredstva.

Finansijska sredstva

Odobreni iznos sredstava ne može biti veći od 40% vrijednosti predloženog projekta.

Sredstva kojim će Fond sufinansirati projekat će biti transferisana na račun korisnika nakon predocjenja dokaza od strane korisnika da je u potpunosti izvršena ugovorna obaveza i plaćeni troškovi koji se smatraju kao opravdani troškovi.

Dokazi o izvršenom plaćanju, originali, duplikati ili ovjerene kopije, kumulativno su:

- Faktura (račun),
- Fiskalni račun sa kojeg je vidljivo da je plaćeno virmanom,
- Uplatnica,
- Izvod iz banke.

Pravo na razmatranje ne ostvaruju:

- Ogranci, podružnice i slični organizacijski oblici koji nisu registrovani kao zasebna pravna lica,
- Aplikanti čiji je jedan od osnivača politička stranka,
- Projekti koji su već sufinansirani sredstvima Fonda za zaštitu okoliša HNK u 2013., 2014. i 2015. godini,
- Fizička lica osim obrtnika,

- Aplikanti koji traže sufinansiranje nabavke roba koju sami proizvode i što im predstavlja redovni opis poslova u okviru registrovane djelatnosti,
- Aplikanti koji su trenutni korisnici sredstava Fonda po osnovu prethodnih javnih konkursa a nisu završili projekat,
- Aplikanti koji nisu opravdali ugovorne obaveze po osnovu prethodnih javnih konkursa, odnosno nisu dobili od Fonda potvrdu o istom do dana prve objave ovog konkursa,
- Aplikanti koji su imali ili imaju bilo kakav poslovni odnos sa Fondom, bez obzira na vrijednost poslovanja.

Osnovni kriteriji za odabir projekata i dodjelu sredstava su:

- pripremljenost projekata, programa ili sličnih aktivnosti za koje je raspisan konkurs (pripremljenosti stručne i tehničke dokumentacije, stepen spremnosti za početak radova, visina vlastitih sredstava korisnika),
- stepen povoljnog uticaja na okoliš,
- kvaliteta ponuđenog tehnološkog rješenja,
- stepen ugroženosti okoliša na području gdje bi se implementirao program, projekt ili slična aktivnost,
- finansijska sposobnost korisnika sredstava na ulaganja i povrat sredstva, ako je povrat sredstava ugovoren

Dostavljanje prijava projekata

Projekti za dodjelu sredstava Fonda prijavljuju se ispunjavanjem odgovarajućeg obrasca.

Jedan aplikant može dostaviti samo jedan projekat u suprotnom ni jedan projekat neće se uzeti u razmatranje.

Dokumentacija za učešće sastoji se od obaveznog i neobaveznog dijela.

Svi aplikanti moraju svoje projekte prijaviti na propisanim obrascima, koji se mogu preuzeti na službenoj web stranici Fonda: www.fzohnz-k.ba.

Obavezna dokumentacija za sve podnosiocje prijave:

- 1) U potpunosti i ispravno popunjen obrazac prijave projekta na Javni konkurs, numerisan, parafiran, ovjeren i čvrsto uvezan, a priloženi dokumenti čvrsto uvezani i poredani prema redosljedu kako su navedeni u narednim tačkama (od 2. do 15.)
- 2) Dokaz o registraciji kod nadležnog organa - aktuelni izvod iz sudskog registra za ustanove i privredna društva, aktuelni izvod iz registra kod nadležnog organa uprave za udruženja građana, obrtnike, PG i zadruga. U svim slučajevima izvod ne smije biti stariji od datuma objave Javnog konkursa, original ili ovjerena kopija,
- 3) Ovjerena kopija uvjerenja o poreznoj registraciji (identifikacijski broj: ID broj), izdata od Poreske uprave, koja ne može biti starija od datuma objave Javnog konkursa – odnosi se na privredna društva, ustanove, udruženja građana, obrtnike, PG i zadruga,
- 4) Uvjerenje o potpuno izmirenim svim vrstama obaveza sa danom izdavanja uvjerenja – direktni porezi i doprinosi (PIO/MIO i zdravstveno osiguranje), izdato od Poreske uprave i koje ne može biti starije od datuma objave Javnog konkursa, original ili ovjerena kopija,
- 5) Uvjerenje o stalno uposlenima, izdato od Poreske uprave i koje ne može biti starije od datuma objave Javnog konkursa – odnosi se na udruženja građana i zadruga, original ili ovjerena kopija,
- 6) Ovjerena kopija uvjerenja o registraciji kod Uprave za indirektno oporezivanje (PDV broj), koja ne može biti starija od datuma objave Javnog konkursa,
- 7) Uvjerenje o potpuno izmirenim poreznim obvezama po osnovu indirektnih poreza sa danom izdavanja uvjerenja, izdato od Uprave za indirektno oporezivanje i koje ne može biti starije od datuma objave Javnog konkursa, original ili ovjerena kopija,
- 8) Uvjerenje od Uprave za indirektno oporezivanje da nisu PDV obveznici, ukoliko nisu PDV obveznici, koje ne može biti starije od datuma objave Javnog konkursa, original ili ovjerena kopija,

- 9) Izjava aplikanta o namjenskom utrošku sredstava koja se može preuzeti na web stranici Fonda, ovjerena u organu uprave ili kod notara,
- 10) Izjava o visini sredstava s kojima će korisnik ili drugi zainteresovani subjekt učestvovati u sufinansiranju realizacije dijela projekta koji predlažu za zajedničko finansiranje korisnika i Fonda za zaštitu okoliša HNK koja se može preuzeti na web stranici Fonda, ovjerena u organu uprave ili kod notara,
- 11) Izjavu o spremnosti dostavljanja instrumenta osiguranja u skladu sa zaključenim ugovorom koja se može preuzeti na web stranici Fonda, ovjerenu u organu uprave ili kod notara,
- 12) Potvrda o otvorenom bankovnom računu u konvertibilnim markama izdata od banke, koja ne može biti starije od datuma objave Javnog konkursa, original ili ovjerena kopija,
- 13) Uvjerenje od nadležnog suda da nije pod stečajem ili pred likvidacijom, ili je ušao u određeni aranžman sa povjericom, ili je obustavio ili ograničio poslovne aktivnosti, ili je u analognoj situaciji koja proističe iz sličnog postupka u skladu sa relevantnim zakonima i propisima u BiH - odnosi se samo na privredna društva, original ili ovjerena kopija,
- 14) Uvjerenje od nadležnog suda da nije predmet postupka za proglašenje stečaja, za izdavanje naloga za prisilnu likvidaciju ili postizanje sporazuma/aranžmana sa povjericima, ili bilo kojeg sličnog postupka u skladu sa relevantnim zakonima i propisima u BiH - odnosi se samo na privredna društva, original ili ovjerena kopija,
- 15) Potpisana biografija voditelja/voditeljice projekta.

Dodatna obavezna dokumentacija po LOT-ovima:

LOT 2.

- Dokaz iz kojeg je vidljivo da je aplikant vlasnik građevine (original ZK izvod ili ovjerena kopija, koji ne može biti stariji od datuma objave javnog konkursa) – odnosi se na aplikante koji svoju djelatnost obavljaju u vlastitom objektu,
- Ovjerena kopija ugovora o višegodišnjem zakupu građevine, između vlasnika objekta i aplikanta uz priloženi original ZK izvod ili ovjerenu kopiju, koji ne može biti stariji od datuma objave javnog konkursa - odnosi se na aplikante koji svoju djelatnost ne obavljaju u vlastitom objektu,
- Premjer i predračun radova, original ili ovjerena kopija,
- Upotrebna dozvola za građevinu, original ili ovjerena kopija,
- Rješenje o kategorizaciji ugostiteljskog objekta izdato od nadležnog organa, original ili ovjerena kopija.

LOT 5.

- Ugovor, sa ovlaštenom kućom sa certificiranje, o uvođenju sistema upravljanja okolišem ISO 14000 : 2009 ili ishođenjem znaka zaštite okoliša, original ili ovjerena kopija,
- Certifikat certifikacijske kuće sa kojom je zaključen ugovor, ovjerena kopija.

LOT 6.

- Ugovor o sufinansiranju bespovratnim sredstvima Evropske unije putem javnih poziva (calls for proposals), ovjerena kopija.

Neobavezna dokumentacija:

- Pisma preporuke (npr. jedinica lokalne samouprave i/ili regionalne samouprave, ministarstava, institucija u zemlji i inostranstvu, drugih donatora),
- Izvještaj o energetsom pregledu,
- Publikacije, prezentacije, novinski članci te ostali materijali koji prikazuju rad aplikanta i u neposrednoj su vezi sa prijavom projekta.

Vrednovanje projekata

Prijave projekata koje ne zadovoljavaju formalno - pravne kriterije propisane ovim Javnim konkursom (zakašnjele prijave, prijave koje ne sadrže svu konkursom propisanu dokumentaciju ili prijave podnesene na neki drugi način odnosno suprotno uslovima iz ovog Javnog konkursa), neće se razmatrati, o čemu će aplikanti biti pismeno obaviješteni.

Odluku o prihvatanju projekata po podnesenim prijavama na ovaj Javni konkurs, donosi Upravni odbor Fonda na prijedlog direktora Fonda, a sve na osnovu Izvještaja o provedenom Javnom konkursu te ocjeni projekata kojima se utvrđuju prioriteta u odabiru prijave od strane Komisije za provođenje Javnog konkursa.

Rezultati Javnog poziva o izboru korisnika sredstava bit će objavljeni na službenoj web stranici Fonda: www.fzohnz-k.ba, u roku od 15 dana od dana donošenja odluke Upravnog odbora.

U skladu sa odredbama opštih akata Fonda *Pravilnika o uslovima i načinu dodjeljivanja sredstava Fonda* *Pravilnika o mjerilima za ocjenjivanje zahtjeva za dodjelu sredstava Fonda* i *Pravilnika o postupku objavljivanja konkursa i odlučivanju o odabiru korisnika sredstava Fonda*, sklopljenim ugovorom utvrdit će se međusobna prava i obaveze Fonda i korisnika sredstava a naročito:

- Iznos odobrenih sredstava,
- Uslovi i način korištenja dodijeljenih sredstava,
- Vremenski rok za realizaciju projekta,
- Način praćenja i kontrole namjenskog trošenja dodijeljenih sredstava, kao i
- Ostala međusobna prava i obaveze.

Opće odredbe

Obrasci za prijavu po ovom Javnom konkursu se mogu preuzeti na službenoj web stranici Fonda: www.fzohnz-k.ba.

Ovaj Javni konkurs objavljuje se u „Službenim novinama HNK“, dnevnim listovima „Oslobođenje“ i „Večernji list“ i na web stranici Fonda.

Prijava za učestvovanje u Javnom konkursu s obaveznom dokumentacijom (navedenom unutar odgovarajućeg obrasca) dostavlja se, u jednom originalu i jednoj kopiji u zajedničkoj koverti, u roku od 45 dana od dana objave Javnog konkursa u „Službenim novinama HNK“ lično ili preporučeno putem pošte na adresu:

Fond za zaštitu okoliša Hercegovačko - neretvanskog kantona
Blajburških žrtava b.b.
88000 Mostar

uz naznaku:

Prijava na “JAVNI KONKURS za korištenje sredstava Fonda radi sufinansiranja projekata u oblasti zaštite, očuvanja i poboljšanje kvaliteta zraka i zaštite ozonskog omotača, energetske efikasnosti i korištenja obnovljivih izvora energije“